



Te Tiriti o Waitangi

1. Te tūranga o te Tiriti o Waitangi i roto i te kaupapa ture o Aotearoa

He whakaaetanga te Tiriti o Waitangi i whakatakotoria i 1840 i waenganui i te Karauna o Piritana me ngā rangatira Māori. Nā tēnei i āhei te Pākehā ki te whakatū kāwanatanga i Aotearoa, ā, ki te Māori i whakatauria tōna mana rangatiratanga.

Ko te Tiriti te tuhinga taketake o Aotearoa, pā atu ai tōna mana ki te hononga o te Karauna ki te Māori.

2. Te Tiriti me te whakahaere i te mana o te iwi

Ko te Tiriti tētahi o ngā take me āta whakaaro i roto i te hanga o te ture me ngā whakataunga ā-iwi.

Ko ngā kōrero mō te Tiriti i te rārangi ture kei te here i ngā kaiwhakatau ture kia aro mai ki te Tiriti i roto i te horopaki o te rārangi ture. Hei tauira, i raro i te Ture Tūmatanui Hauora me te Hauātanga o Aotearoa 2000 (Public Health and Disability Act 2000), ka uru ai te Māori ki ngā whakataunga me te tukunga o ngā ratonga hauora, ratonga hauā.

Mō te rahinga o te rārangi ture tohua kē ngā mātāpono o te Tiriti.

3. Ngā mātāpono o te Tiriti

Kua whanake ngā mātāpono o te Tiriti nā te rerekē o te tuhinga Ingarihi i te Māori. Kei te Rōpū Whakamana i te Tiriti o Waitangi (Waitangi Tribunal) me ngā Kōti te mahi nui ki te whakamārama i te Tiriti, whakamahia ai e rātou ngā mātāpono hei whakapuaki i ngā kawenga a te Karauna me ngāi Māori.

Kei te whanake tonu te māramatanga e pā ana ki ngā mātāpono o te Tiriti. Ko te whakawhanaunga te mātāpono e kōrero nuitia ana.

4. Te Rōpū Whakamana i Te Tiriti o Waitangi

He komihana uiui-motuhake te Rōpū Whakamana i te Tiriti o Waitangi. Titiro ai te Rōpū ki ngā whatinga o te Tiriti. Ka tukua atu āna tohutohu ki te Kāwanatanga i runga i āna kitenga.

5. Ngā whakataunga Tiriti

Āwhina ai ngā whakataunga ki te hā i te ora ki ngā whatinga a te Karauna i te Tiriti. Ko te pūtake o ngā whakataunga nei he tukunga ahurea, he tukunga moni, he kōrero mō te whatinga me te whakapāha. Ko ngā tikanga o ia whakataunga ka whakaritea e te Kāwanatanga me te rōpū kaikerēme. Ko ngā tikanga o te whakataunga me whakaae rā anō e te Pāremata mai i te rārangi ture.

↳ Mō ētahi atu pārongo haere ki www.kaupapature.org.nz ka waea rānei ki 0508 411 411.

↳ Whakawhiti kōrero mai ki www.facebook.com/TheConstitutionConversation

He Whakamārama

Te Karauna: He tohu mō te 'kāwanatanga'. He rōpū whakahaere te Karauna mō ake tonu, engari ngā mema takitahi, tau mai ana, ngaro atu ana.

Kāwanatanga: Te Kāwanatanga – ko te Pirimia me ngā Minita- whakatakoto ai rātou i ngā kaupapa here mō Aotearoa, ā, ka uia te Pāremata kia hangaia, whakarerekētia rānei ngā ture kia tū ai ā rātou kaupapa.

Pāremata: Ko te Whare o ngā Māngai me te kuini te Pāremata i Aotearoa. He hanga ture te mahi a te Pāremata me te mātai i te Kāwanatanga.

Rārangi ture: Ngā ture i whakaaea e te Pāremata, i puta rānei i raro i te mana o te Pāremata. Ko ngā tino momo ko ngā Ture tūturu me ngā rekureihana.

He huinga tikanga te kaupapa ture hei whakaatu me pēhea te whakahaere i te whenua me tā tātou nohotahi. Nāu te kaupapa ture, nāu te kōrero.